

Talimenwegaiyec eluwidamasudi meja : mada wejinudamugup negem utunca."

(LUKE, Chap. XXIII.) "Na mauipigwelcic cacamidajic, pemigaldacnadijel Pilatel eyamali. Bocjuinuscumadijel Sesusel, teluejic : Wejigat ut jinam camidudelaji, tan telimilagudemalija, ac wetculaji weni utigenemuonau eligewitewe suliewea Sisalala, ac telimaji, Negem uclistewin ac uteligewina. Tocu Pilat pibanimajel, elajel : Cil Leswibak uteligemuol'. Sesus asidemajel, elajel : teliac teluena. Tocu elaji Pilat acjipadlias ac mauipigwelniiji ; Mogwe wejidu padasudi ut jinam utinica. Cadu melcigelusultijic, teluejic : Camidudelaji mimajuinua, ciginudamuoji m'sit nadami Sudiaictuc, wejadegemp Galili mesocu ula tet. Na Pilat nudamaj Galali, pibanimaji. Galaliewaj na ? Na tan tilisip ekjajel utelein Helot utalsusudictuc, elcimajel tan Helot ekca. Helot²ekc tilisip Salusalemica. Na Helot nemiaj Sesusel, loc welidasit ; mada sac cis pawotc unmlana, mada wejipigwelinudamaj utinica, ac ajipjudoc unmlan mescic cogue ujicwisadasic utinica. Tocu cacaiyisimilipibanimajel. Cadu Sesus mogwej asidemagul. Ac acjipadliasc ac nujiwigagedijic, cacamultijic, ac loc winimadijel, cesicacaiyisimilimadijel. Ac Helot ac usamaganisam cwejintagimadijel, ac maligimadijel, nasaduadij utucwon boctastec, ac apscwiabugwedudijel Pilat eyamalijel. Na ula nagwec Pilat ac Helot abicsictadijic, mada tumc eubeliebenic.

Tocu Pilat mauiwigumaji acjipadliasa, ac usacamamuok, ac mimajuinua, elaji : Telipcisulok tan eyam ut jinam ujit ucamidudalan mimajuinua ; cadu, ancaptamuc, cisitogemajeac cuscaluok, ac mogwe wejidu ut jinam utinica padasudi tan wejitelicacaiyisimilimoka. Ac elp amuj Helot mogwe : mada eliabugweduep actinewauok Helodiga, ac, ancaptamucw, mogwe cogue teliganugwasic utepcadin unebana. Na ujit unmajicinamuodes, ac bunalades. Mada ejelec mu utigeneuon neuctejilijel cistejul tan teliwigabaltimca. Tocu m'sit cesigauescudijic, teluejic : Jigalal ula jinam, ac igenemuidesinen Balaba.

Na Balaba wejiukjipijalus lapolisun ujit mescic sespenac acjiganca, ac elp ujit nebadegemca. Na Pilat apj celulaji mada pawotc ubunalalina. Cadu cesigauescudijic, teluejic. Clujiaukcte ! clujiaukcte ! Cadu sestewe elaji : Cogue to padadoc ? Mogwe wejidu padasudi utinica tan ujinpasa. Unmajicinamuodes, bunalades. Tocu atcigenedajic uescudinaua, edamadijel uclujiaukctasilina ; ac uceluswocnamuwol, ac acjipadliasc uceluswocnamuol ajimalgigenagel. Tocu Pilat teblutc, uteladasin tan telidedemidija. Ac bunalajel